

Bilsi Kario aro Bilsi kari ongjaoba Kadongani 2021 Bilcina Parakatani

Mande jat gimikan janggi tanganio niksamsogijagipa aselrang ongoba remikangna mana, maina bangbea mea aro mechikrang antangna mangniko chanchijae indiba antangtango onkange iarango warachakaha.

Reanggipa adita jarango, bangbea chadamberang, uamangni mikkangchina jajrenganirango aro maidake aro maio kadonge remikkangangna mangen iarangni bidingo ching baksa chanchirimaha. Iarangna agreba, uamangni miksonganirang ia indakgipa sal somoirango onggamaignokma ineba kadonga gri aganaha. Indiba mitam chadamberang kadonge kucholsan ia indakgipa somoirangoba anchingni kadonganiko kimitna ba gimaatna nangja ineba aganaha.

1. Ia agilsako ongenggipa obostarang pangchake chinga 2021 Bilcina Parakataniko dakna sika : chongmotan, bilsi 15 – 35 ongenggipa chadamberang maidake ia kadonganiko chingchae rakina mangen aro maiarango dake aro saming baksa ia kadonganiko chingchaate rakina kreng kamko kagen - ia pilakkon chanchie aro dake chingona watatpabo. Iarango seachi ba antangan videorango tarie ia address ona watatpabo : solidarity@taize.fr.

Kadongani cholrangko mikrake sandirongbo

Daororo ongenggipa covid-19ni somoi-o, ongnanggijagipa obostarang agilsak gimikon ongenga aro anching pilakkan iani bidingo nengnikanirango manenga. Asongko dilgiparang iako bonatna kamko kana nanga ; uamangni kamsan ongja, anching sakprakprakni kamba onga. Knae niggimin gita, banga manderang antangtango onkange banga nama kamrangko kaaha aro dakaha, ian minga anchingna kadongani cholko mesokani onga.

Apsan daken banga chadamberang antangtango onkange anchingni dongram agilsako chelchakanigimin nambea kamrangko kaenga aro gipinrangkoba didienga. Pilak beberagiparangna anchingni dongram agilsakde, Nokgipa Isolni anchinga kasae ongimin nitobegipa biap onga ; uandaken anchingba uko kasae nirokna nanga.

Daororoni manderang, skangrango onia dakani kamrangko masie, uarangi naljoke dongna simsanirango daka. Indiba sason kagipa aro bil donggiparang bangbata salon namgnina kamko kaja ; uni gimin manderango aro chadamberango mongsongbate kaonangani aro chuongnikgijanirango rabaata. Iani bidingo saobarang antangtango onkange kam kagiparang dongama ?

2. Agilsakni bilsi karirangni dingtangbatbatanirango, namgijagipa walkurangko komiatna aro bolwaarango ripinganirango anching sakprakprak ia kamko kana kangkare kagiparang onga mangenma ? Banga Kristianrang ia namgipa kamo bak ragiparang donga ; jekai dingtang dingtang mamalrang nangrime kamkaani : mesokna gita 'Green Churches' agilsakni pilak asongrangon donga.

1989 bilcio, Europeni pilak Mondolirang Basel-o tomaniko dakaha. Ua tomanio uamang iako chanchirimaha : 'Salantini janggi tanganio sam bolrangko niroke jakalani, bijolirango komie jakalani, rea doanirango jinma baksa gario songrena aro bosturangko krae jakkale galanirango komiatna'.

Taize-o chinga, iarang pilakkon manienga. Iarango dakangkuna gita iano ongimin website-o kasapae seatpabo : (www.taize.fr/eco).

Jongada Noabirang gita dongrimani

Daororo ongenggipa ia namgija obostarang agilsak gimikon ongenga aro dongengoba, anchingni kadonganiko gimaatjana aro kimitjana. Iako dakna gita anching dingtang dingtang biaprangoni aro beberaani aro beberagijani dingtang dingtang ongoba, hai pilakan kucholsan onge bakrimna aro jaku dee remikangna.

Jongada Noabirang gita dongrimani anchingni katchaaniko bariata. Mongsongbate jerangan kangalbatranga, nokgri jamgri onga, budepa buchuma onga, sae dinge kalima, maa paa gri onga, kana ba nagokrang onga aro asong gipino songnapgiparang aro uandake covid 19ni asel banga saknae donggiparang ; iarang pilakkon anching dakchakgrikna nanga.

Anching saksa sakgipinko pilak salrangna bate daon nangbatenga. Pope Francis iani bidingo uni Chiti 'Fratelli tutti'-o indake seaha. 'darangba saksan jokataniko manja aro saksan onge janggi tangna manja. Uni gimin anchingna bate saknaenggipa anchingni jongada noabirang baksa uamangko anching kamchi dakna manjaoba, katongchi, gisikchi aro bianichi dakchakna aro uamangni dukko bakrana mana. (§32 and §146).

Saksa sakgipin baksa aro mandeskarang baksa anchingni nangrimgrikanio hai anching jeko anchingni bilo dakna mana susagrikanio pal dakchakgrikanio ona aro uandake je dolrang nangrimgrikanio aro dakchakgrikanio onenga uamang baksa bakrimpana, songtango ongja maina, asongtango aro agilsak gimiko ongja maina.

Beberaanio kadongani

Taize-o chadamberang Isolo beberaniko bariatna aro nama ramao rena chanchirimaniko dakenga. Beberaani maiko miksonga ? Aro Isol dongbebeode maina ua ia pilak aselrangko agilsako aro anchingni janggi tanga nio ongatenga ?

Ia singanirang basakoba anchingona soka aro indake anching Isolko chone raa. Indiba anchingni pilak chanchianirangna bate Isol bilaksranggipa aro dalbatsranggipa onga. Anchinga uni kasaaniko aro Bebeko ringna sike amgiparang mangmang. Anching je biapo ongenchimoba janggi tangani ramako remikkanggiparang onga. Indiba beberaanio aro kadonganio songregiparang gita anching saksa sakgipin baksa songrerime ia pilak onga obostarango bak rana mana.

'Beberaani Isolo kadongani onga aro janggi tanganio banga nengnikanirang dongoba ia kadonganiko mande sakprakpraktiko nisiatna manja' ine Brother Roger agana.

Beberaanira indide antangni janggi tanganio aro agilsako ongenggipa obostarang kadongani gri gita ongpilode anchingni beberaani aro kadongani dongkuama ? Anchingko kasae nirok sandiani ia aselrangoba pangnan dongkama ine anching Isolo beberana mankua.

Gital daktaianio kadongsoani

Kasae nirokani : Iani miksonganiko Isolni Katta maiko agana ?

Kasae nirokaniko Jisu bonkamaona kingking antangni janggi tanganio dakaha. Ian Uni Isolni gisik baksa nangrime janggi tangani japang ongachim.

Uni saksan Chisolositengtoe dukchakanirang aro manderangchi kalstapani aro stupanirangko manoba, Uni Pagipani uko kasae nirokaniko Ua gualjae, Uo kadonge una chrikwate aganaha : 'O Isol, O Isol Naa maina angko watgalaha' Pale chaako manoba, doka satako manoba aro siaona galonako manoba, janggini dukni wario sripoba Uni kasaaniko ua tange rakiaha. Uni kasaanian pilak namgijarangko amna manaha. Aro Uni Cheaniko aro siaoni chakatpilaniko Maria Magdalena aro Sninggiparang aganprakataha, chongmotan Isolni Kasaa sia aro papko cheaha.

Ia Nama koborko beberaan baksa, ongchenggipa Kristianrang Jisuna sakki onaha. Kristo Pagipa Isol baksa donge sason kaa ; aro agilsak gimikon uni Rongtala Gisikchi gapataha aro Uni Gisik anching sakprakprakon donge dakchakenga. Unigimin Kristo daoba anching baksa donge mongsongbate kangalrangna dakchakanio onenga maina Kristoan agilsakko abachengatgipa onga aro anchingni siani saloba ua janggini katchaaniko anchingo gapatgen aro salgio anchingko rimchaksogen.

Manderangni mata buanirangna bate, sam bolrangko nisiatana bate, gital ongtaiiani. Gital ongtaianio kadongna aro beberana manganma ?

Anchingni nika nianiko dingtangani

Kristoni chakatpilanichi gital tenganiko anchingni janggiona rabaaha. Changni chang anchingni kenani jagringoniko naljokataha and gital chijanggiko rabaaha, iani gimin katchaani aro rasong chaatanikoba rabaaha.

Iarangni asel anching dintangmancha dintang gital onganirang donggen ine beberana mana. Kristo agilsakni pilak manderangko bonkamaona kingking Isolni kasaaona salbakgen aro ia uni kamo anchingkoba bak ragiparang onгна gita okama.

Kristo mondolioba un baksa bakrapana okama. Ia bak raanio anching darangkoba watgalgija okamna nanga. Iako dakon Kristo anchingni bobilrangna kema kaani aro kasaaniko dabia. Kristoni tomtomani pilak asongrangko nangrimata.

3. Ia Covid-19ni sal somoirango, Mondoli anchingko asakni pilak manderang baksa nokdang gesani manderang gita kasagrike dongna didia. Minggittam didianirangko nikna mana :

- Anchingni saksa sakgipin baksa janggi tanganio mandeskana kasabatna aro uie ragrikna anching saksa sakgipinko knachakna nanggen aro anchingni dintanggrikanirangko galna nanggen. Uni gimin anching darangkoba watchanggija pilakkon rimchaksogiparang onгна nanggen.

- Asongtangko wate branggiparangko kasae rimchaksoani aro jerangan mondolioni brange dongachim uamangkoba kasae rimchaksoani. Ia nama dakmesokaniko adita bilsirangna chinga Taize-o dakenga.

- Rimchaksogipa mondoli onгна aro gualako dakgiparangni duk jajrenganirangko nachil songe aro kasae knatimgiparang onгна. Iani bidingo bangbata salon manderang gisik saanirangko mana. Taize-o chinga pilakkon dakchakna jotton kaenga. (www.taize.fr/protection).

Kristo anchingni nia nikanirango donge dakchakchina. Kristo-osa anchingni gualgimin dakna nanggnirangko anching dakna mana. Uasan anchingni kadongani, katchaani, chelchakani aro Uni bilchisan anching pilakkon dakna ama.

Je manderangan ia Parakatani Kattarangko chanchibewalenga, anga angni bianio nasimang baksa donga.

Kristo Jisu, chinga nangko demitela. Nangni bamanichi nangni janggi tanga gimik naa Isolni tengsuatako manaha. Ua tengsuani ching' katongrangkoba tengsuataha. Ia apsan tengani chingni pap aro gualanirangko susrangchina aro chingna gital janggi tanganiko rabachina. Chingna nangni bilakgipa Gisikko watatpabo , Chingko gital daktaibo, chingni bilrangko bilakatbo aro nangni tengachi chingko tengsudape, Bilsil Kario aro Bilsil kari onגjaoba nango Kadongani pangna jolna tange rakina chingko dakchakbo.

Anchingni chanchibewalanio dakchakna adita Sastroni Kattarang :

Maria ia kattarangko ringmitelaha : 'Salonaha sason kagiparangko singhasononiko, aro dedoaha ongiparangko, Okkrigiparangko namnamachi okkataha, Aro gam gnanngiparangko jalari watataha (Lk.1 : 52-53)

Maria Jisuni magipa kasaani aro kadongachi banga dingtanganirangko rabana manaha.

Jisu aganaha : ' Anga Pagipao bigen aro nasimangna dakchakgipa sakgipinko ua nasimangona watatgen, aro ua jringjrotnan nasimang baksa dongkamgen. (Jn.14 : 16)

Jisu anchingko watgaljaha. Uni sina skang ua uni sninggiparangna dakchakgipako, chongmotan Rongtalgipa Gisikko watatgen ine kurachakaha. Gisik Rongtalgipa anchingo donge anchingko kasrokata, niksengata aro Jisuni jarikgiparang onge sakki ona anchingko dakchaka.

Aa aro salgi katchachina ! Sagal aro uanogiparang inchrochina !

Abarang aro uano donggipa pilakkan katchachina !

Buringni bolrangba katchae inchrogen GITELni mikkango

Asako sason kana ua rebao,

Ua agilsakni pilak manderangko sason kagen,

Kakket aro bebeo (Git.96 : 11-13)

Gitrangni kitapo Isolko demitelna anchingko didia aro okama. Dakgimin manderangsan Isolko mitelgiparang onja indiba pilak uni dakgiminrang uko mitela. Iani gimin anching pilak Isolni dakgiminrangko nirokna aro chelchakna nanga.

Kadonganio Songreani 2021

Agilsako kadonganio songreani ongankugen. Dao ongenggipa obostarang anchingna banga nengnikanirangko onengoba, gipin cholrangko anching amna nanggen. Indaken batanggimin salrango anching saksa sakgipinni dakchakani baditan gamchata uko masie raaha.

Ia Covid 19ni asel banga dakna nangni kamrangko chusokatna manjaoba, 2021 bilsio, kamao ongimin Kadonganio Songreani 2021 ko dakna miksonganirang :

- Weekly meetings in Taizé, throughout the year, if and when the health situation permits it.
- Online continental meetings from Taizé and from different places around the world where brothers live.
- Weekend of friendship between young Muslims and Christians, from July 14 to 18, 2021.
- Week of reflection for 18-35 year olds, from August 22 to 29, 2021.
- European Meeting in Turin, from December 28, 2021 to January 1, 2022.

And finally, in 2022 we hope to undertake the stage of the pilgrimage of trust in the Holy Land that had been announced for 2021. The dates will be published soon.